

**ხელშეკრულება სახელმწიფო
შესყიდვის შესახებ N 6.2.17.16/6.2.18.16/30/057**

ქ. თბილისი

13 აპრილი 2020 წ.

1. ხელშეკრულების დამდები მხარეები

ერთის მხრივ, ქალაქ თბილისის მუნიციპალიტეტის მთაწმინდის რაიონის გამგეობა (შემდგომში – შემსყიდველი), წარმოდგენილი გამგებლის - დავით კირკიტაძის სახით და, მეორეს მხრივ, შპს „ტენდერი 123“, ს/კ 405021523, მისამართი: ქ. თბილისი ო. ჭილაძის ქ. N166, კორპ. 6, ბ. 28 (შემდგომში – „მიმწოდებელი“), წარმოდგენილი დირექტორის - ამირან ჩიტაშვილის სახით, საქართველოში მოქმედი კანონმდებლობის შესაბამისად და მათი გათვალისწინებით, შეთანხმდნენ სახელმწიფო შესყიდვის შესახებ ხელშეკრულების პირობებზე და სახელმწიფო შესყიდვის შესახებ ხელშეკრულების დადების თაობაზე.

**2. ხელშეკრულების (შესყიდვის) ობიექტი, შესყიდვის საშუალება,
ხელშეკრულების ღირებულება, ხელშეკრულების ძალაში შესვლა და მოქმედების ვადა**

2.1 ხელშეკრულების (შესყიდვის) ობიექტია - აღდგომის ბრწყინვალე დღესასწაულთან დაკავშირებით მთაწმინდის რაიონში მცხოვრები მძიმე სოციალურ მდგომარეობაში მყოფი 1630 მოქალაქისათვის და 35 ომის ვეტერანისათვის და 9 მაისის დღესასწაულთან დაკავშირებით მეორე მსოფლიო ომის 15 ვეტერანისათვის გადასაცემი კვების პროდუქტებით შევსებული სასაჩუქრე პაკეტები, რომელიც განსაზღვრულია მიმწოდებლის მიერ წარმოდგენილი ერთეულის ფასებით, მოცემულია ხელშეკრულების დანართებში და წარმოადგენს მის განუყოფელ ნაწილს.

2.2 შესყიდვის საშუალება – ელექტრონული ტენდერი აუქციონის გარეშე.

2.3 ელექტრონული ტენდერის განცხადების ნომერი **NAT200006183**.

2.4 ხელშეკრულების ღირებულება შეადგენს - 81502,50 (ოთხმოცდაერთათასხუთასორი ლარი 50 თეთრი) ლარს, ყველა ყველა გადასახადის ჩათვლით. აქედან, ომის ვეტერანებისათვის გადასაცემი ნობათის ღირებულებაა - 2447,50 ლარი, მთაწმინდის რაიონში მცხოვრები მძიმე სოციალურ მდგომარეობაში მყოფი მოქალაქეებისათვის გადასაცემი ნობათის ღირებულებაა - 79055,00 ლარი.

2.5 კლასიფიკატორის კოდი - 15800000.

2.6 ხელშეკრულება ძალაში შედის გაფორმებისთანავე და მოქმედებს 2020 წლის 31 დეკემბრის ჩათვლით.

3. შესყიდვის ობიექტის მიწოდების პირობები

3.1 შესყიდვის ობიექტის მიწოდების საბოლოო ვადაა: აღდგომის ბრწყინვალე დღესასწაულთან დაკავშირებით სასაჩუქრე პაკეტები მიწოდებული უნდა იქნეს არაუგვიანეს 2020 წლის 16 აპრილისა; 9 მაისის დღესასწაულთან დაკავშირებით სასაჩუქრე პაკეტები მიწოდებული უნდა იქნეს არაუგვიანეს 2020 წლის 08 მაისისა;

3.2 შესყიდვის ობიექტის მიწოდების ადგილია:

სააღდგომო ნობათის მიწოდება უნდა განხორციელდეს შემდეგ მისამართებზე:

ქ. თბილისი, გ. ლეონიძის ქ. N11ა

ქ. თბილისი, ვ. ბარნოვის ქ. N60

შინდისი, მ. ნაკაშიძის ქ. N1

დ. კოჯორი, იუნკერების ქუჩა N81.01.06.627

ქ. თბილისი, ძმ. ზუბალაშვილების ქ. N20

ქ. თბილისი, ყაზბეგის გამზირი N47

9 მაისის ნობათის მიწოდება უნდა განხორციელდეს ქ. თბილისი, ძმ. ზუბალაშვილების ქ. N20

3.3 მისაწოდებელი ნობათების რაოდენობა კონკრეტული მისამართების მიხედვით, მიმწოდებელს ეცნობება წერილობით.

3.4 აღდგომის ბრწყინვალე დღესასწაულთან დაკავშირებით მისაწოდებელი საკვები პროდუქტი დაფასოებული უნდა იქნეს 1665 ცალი სასაჩუქრე პაკეტად, რომელიც მოთავსებული უნდა იყოს სახელურებიან მტკიცე პარკში, არანაკლებ 20 კგ. გამძლეობით, ზომა არანაკლებ 45X70, სმ სისქე არანაკლებ 50 მიკრონი. პარკზე დატანილი უნდა იყოს ქალაქ თბილისის მუნიციპალიტეტის მერიის ლოგო და ბრენდირება მოლოცვის ტექსტით (ტექსტი და დიზაინი შემსყიდველთან შეთანხმებით).

3.5 9 მაისის დღესასწაულთან დაკავშირებით მისაწოდებელი საკვები პროდუქტი დაფასოებული უნდა იქნეს 15 ცალი სასაჩუქრე პაკეტად, რომელიც მოთავსებული უნდა იყოს სადღესასწაულო შესაფუთ მასალაში, არანაკლებ 15 კგ. გამძლეობით, ზომა არანაკლებ 45X70, სმ სისქე არანაკლებ 50 მიკრონი. დატანილი უნდა იყოს ქალაქ თბილისის მუნიციპალიტეტის მერიის ლოგო და ბრენდირება მოლოცვის ტექსტით (ტექსტი და დიზაინი შემსყიდველთან შეთანხმებით)

3.6 შესყიდვის ობიექტის მიწოდებას მიმწოდებელი უზრუნველყოფს საკუთარი ხარჯებით, პროდუქტების გადასაზიდად ვარგისი სპეციალური სატრანსპორტო საშუალებით. მიმწოდებელმა უნდა უზრუნველყოს შესყიდვის ობიექტის ისეთი შეფუთვა, რომელიც დაიცავს მას დაზიანებისაგან დანიშნულების ადგილზე ტრანსპორტირების პროცესში.

4. შესყიდვის ობიექტის ხარისხი

4.1 მისაწოდებელი კვების პროდუქტი უნდა იყოს მაღალი ხარისხის, ეკოლოგიურად სუფთა.

4.2 მისაწოდებელი პროდუქტების ვარგისიანობის მინიმალური ვადა უნდა იყოს მიწოდებიდან არანაკლებ 30 დღე, გარდა:

- კვერცხის, სააღდგომო პასკის და ტორტისებრი ნამცხვრის ვარგისიანობის ვადა არანაკლებ 15 დღით უნდა აღემატებოდეს საქონლის მიწოდების ვადას;

- საქონლის ხორცის კონსერვის („ტუშონკა“) ვარგისიანობის ვადა არანაკლებ 6 თვით უნდა აღემატებოდეს საქონლის მიწოდების ვადას;

4.3 მიმწოდებელი იღებს ვალდებულებას, რომ მიწოდებული ობიექტის ხარისხი უპასუხებს ხელშეკრულებით გათვალისწინებულ პირობებს და დააკმაყოფილებს შემსყიდველის მოთხოვნებს.

4.4 მიწოდებული საქონელი სრულად უნდა შესაბამებოდეს (იდენტური უნდა იყოს) ტენდერზე წარმოდგენილი ნიმუშების.

5. ხელშეკრულების შესრულების კონტროლი (ინსპექტირება)

5.1 შემსყიდველს ან მის წარმომადგენელს უფლება აქვს განახორციელოს ტექნიკური კონტროლი და/ან გამოცადონ საქონელი, რათა დარწმუნდნენ მათ შესაბამისობაში ხელშეკრულებით გათვალისწინებულ ტექნიკურ პირობებთან.

5.2 მიმწოდებელი ვალდებულია საკუთარი რესურსებით უზრუნველყოს ხელშეკრულების პირობების კონტროლის განხორციელებისათვის აუცილებელი პერსონალის და ტექნიკური საშუალებების გამოყოფა, ასევე უზრუნველყოს საჭირო სამუშაო პირობები.

5.3 მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა და წუნდებული საქონლის შეცვლა.

5.4 გამგებლის მოადგილე სოციალური პროგრამების მიმართულებით - მიხეილ გოგოლიძე, სოციალური პროექტების განყოფილების უფროსი ხათუნა კეკელია, სოციალური პროექტების განყოფილების უფროსი სპეციალისტი - ქეთევან ჭელიძე, მთაწმინდა-სოლოლაკის საუბნო განყოფილების უფროსი - კახაბერ კალაძე, ვერის უბნის საუბნო განყოფილების უფროსი - გიორგი კონტრიძე, კიკეთი-კოჯრის საუბნო განყოფილების უფროსი - მიხეილ თუმბიშვილი, წავკისი-მინდისი-ტაბახმელას საუბნო განყოფილების უფროსი - თეა ფუხაშვილი.

6. შესყიდვის ობიექტის მიღება-ჩაბარების წესი

6.1 შესყიდვის ობიექტის მიღება-ჩაბარება განხორციელდება შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით (შემსყიდველის მხრიდან მიღება-ჩაბარების აქტების გაფორმებაზე უფლებამოსილ პირებს წარმოადგენს წინამდებარე ხელშეკრულების მე-5 მუხლის 5.4 პუნქტში მითითებული პირები).

7. ანგარიშსწორება და ანგარიშსწორების ვალუტა

7.1 ანგარიშსწორება მოხდება უნაღდო ანგარიშსწორებით ლარში.

7.2 ანგარიშსწორება მოხდება ადგილობრივი ბიუჯეტის სახსრებით, მიღება-ჩაბარების აქტის გაფორმებიდან 10 (ათი) სამუშაო დღის ვადაში, გარდა შემთხვევისა, როდესაც მიმწოდებელს დაეკისრება პირგასამტეხლო ხელშეკრულების პირობების დარღვევისათვის. ამ შემთხვევაში, ანგარიშსწორება განხორციელდება მიმწოდებლის მიერ დაკისრებული პირგასამტეხლოს შესაბამის ანგარიშზე გადახდის შემდეგ.

7.3 წინასწარი ანგარიშსწორება (ავანსი) არ გამოიყენება.

8. ხელშეკრულების პირობების შეუსრულებლობა

(საჯარიმო სანქციები, ფორმა, ოდენობა, და გადახდის ვადები)

8.1 ფორს-მაჟორული პირობების გარდა, ხელშეკრულების დამდები მხარეების მიერ ხელშეკრულების პირობების შეუსრულებლობის, არაჯეროვნად შესრულების ან/და დაგვიანებით შესრულების შემთხვევაში გამოიყენება საჯარიმო სანქციები.

8.2 ხელშეკრულებით ნაკისრი ვალდებულებების შესრულების ვადის გადაცილებისათვის მიმწოდებელს დაეკისრება პირგასამტეხლოს გადახდა ყოველ გადაგადაცილებულ დღეზე ხელშეკრულების ღირებულების 0,2%-ს ოდენობით.

8.3 ხელშეკრულებით ნაკისრი ვალდებულებების არაჯეროვნად შესრულების შემთხვევაში (გარდა მიწოდების ვადის დარღვევისა), მიმწოდებელს თვითოეულ დარღვევაზე დაეკისრება ჯარიმის გადახდა ხელშეკრულების ღირებულების 1,0%-ს ოდენობით;

8.4 მიმწოდებლის მიერ ნაკისრი ვალდებულებების შეუსრულებლობის გამო ხელშეკრულების ცალმხრივად შეწყვეტის შემთხვევაში მიმწოდებელი დაჯარიმდება ხელშეკრულების საერთო ღირებულების 5%-ის ოდენობით და ხელშეკრულება ჩაითვლება შეუსრულებლად.

8.5 საჯარიმო სანქციით დაკისრებული თანხა გადახდილ უნდა იქნას მხარისთვის აღნიშნულის თაობაზე გადაწყვეტილების (წერილი ჯარიმის დაკისრების თაობაზე) გაცნობიდან არაუგვიანეს 1 თვის ვადაში.

8.6 ხელშეკრულების 7.2 პუნქტის მოთხოვნის დარღვევის შემთხვევაში, მიმწოდებელს უფლება აქვს მოთხოვოს შემსყიდველს პირგასამტეხლო ჩასარიცხი თანხის 0,02%-ს ოდენობით, ყოველ გადაგადაცილებულ დღეზე, გარდა იმ შემთხვევისა, როდესაც ეს მოხდა შემსყიდველისაგან დამოუკიდებელი მიზეზით.

8.7 საჯარიმო სანქციების გადახდა არ ათავისუფლებს ხელშეკრულების მხარეებს ძირითადი ვალდებულებების შესრულებისაგან.

9. ხელშეკრულების შეწყვეტა

9.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის ან არაჯეროვნად შესრულების შემთხვევაში, მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების ცალმხრივად შეწყვეტის შესახებ.

9.2 მიმწოდებელი ვალდებულია შეატყობინოს შემსყიდველს ცალმხრივად შეწყვეტის შესახებ მიღებული გადაწყვეტილება, მისი მიღების საფუძველი და ამოქმედების თარიღი, ხოლო შემსყიდველმა აცნობოს მიმწოდებელს ცალმხრივად შეწყვეტის შესახებ მიღებული გადაწყვეტილება და ამოქმედების თარიღი.

9.3 ხელშეკრულების შეწყვეტისას მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულების შეუსრულებლობით.

9.4 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

9.5 შემსყიდველს შეუძლია მიიღოს გადაწყვეტილება ხელშეკრულების ცალმხრივად შეწყვეტის შესახებ, მათ შორის შემდეგ შემთხვევებში:

- ა) მიმწოდებლის მიერ ხელშეკრულებით ნაკისრი ვალდებულებების დარღვევის შემთხვევაში;
- ბ) მიმწოდებლის მიერ შესყიდვის ობიექტის მიწოდების ვადის 3 (სამი) კალენდარულ დღეზე მეტი ვადით გადაცილების შემთხვევაში.
- გ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
- დ) საქართველოს კანონმდებლობით გათვალისწინებულ სხვა შემთხვევებში.

10. ფორს-მაჟორი

10.1 ფორსმაჟორი - სტიქიური მოვლენები, გაფიცვები, საბოტაჟი ან სხვა საწარმოო არეულობა, სამოქალაქო მღელვარება, ომი, ზღოკადა, აჯანყება, მიწისძვრა, მეწყრების ჩამოწოლა, ეპიდემია, წყალდიდობა და სხვა მსგავსი მოვლენები, რომელიც არ ექვემდებარება მხარეთა კონტროლს და რომელთა თავიდან აცილებაც მათ მიერ შეუძლებელია.

10.2 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას და მიმწოდებლისათვის ხელშეკრულების შესრულების გარანტიის დაუბრუნებლობას.

10.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

10.4 იმ შემთხვევაში თუ ფორს-მაჟორული გარემოებების დადგომის გამო, იცვლება ხელშეკრულებით გათვალისწინებული რომელიმე პირობა, აღნიშნული ცვლილება უნდა გაფორმდეს მხარეთა წერილობითი შეთანხმების სახით.

11. ხელშეკრულებაში ცვლილებების შეტანა

11.1 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რის გამოც წარმოიშვა ხელშეკრულების პირობების შეცვლის აუცილებლობა.

11.2 ხელშეკრულების პირობების ნებისმიერი ცვლილება (მათ შორის მხარეთა შეთანხმებით ხელშეკრულების შეწყვეტა) უნდა გაფორმდეს წერილობით - მხარეთა შეთანხმების სახით და დანართის სახით უნდა დაერთოს ხელშეკრულებას. მხარეთა წერილობითი შეთანხმება ცვლილების თაობაზე, ჩაითვლება ხელშეკრულების განუყოფელ ნაწილად.

12. ღირებულების შეცვლის პირობები

12.1 მხარეთა შეთანხმებით დასაშვებია ხელშეკრულების საერთო ღირებულების შეცვლა.

12.2 ხელშეკრულების ღირებულების პარამეტრების (ერთეულის ფასის) შეცვლა დაუშვებელია, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

12.3 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობის გაზრდა.

12.4 ხელშეკრულების ღირებულების შეცვლა ფორმდება მხარეთა წერილობითი შეთანხმების სახით.

13. ურთიერთობა ხელშეკრულების დამდებ მხარეებს შორის

13.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ტელეფონის, ელექტრონული ფოსტის ან ფაქსის გაგზავნის გზით იმ პირობით, რომ შეტყობინების ორიგინალი შემდგომში წარედგინება მეორე მხარეს უშუალოდ ან ხელშეკრულებაში მითითებულ მისამართზე საფოსტო გზავნილის გაგზავნის მეშვეობით.

13.2 შეტყობინება შედის ძალაში ადრესატის მიერ მისი მიღების დღეს.

14. სადაო საკითხების გადაწყვეტა

14.1 ხელშეკრულების დამდები მხარეები თანხმდებიან მასზედ, რომ ხელშეკრულების ან მასთან დაკავშირებული საკითხების ირგვლივ მათ შორის წარმოქმნილი ნებისმიერი დავა შესაძლებელია გადაწყდეს მხარეთა შეთანხმებით.

14.2 თუ ასეთი მოლაპარაკების დაწყებიდან 10 (ათი) სამუშაო დღის განმავლობაში შემსყიდველი და მიმწოდებელი ვერ შესძლებენ სადაო საკითხების თაობაზე შეთანხმებას, ნებისმიერ მხრეს დავის გადაწყვეტის მიზნით შეუძლია დადგენილი წესით მიმართოს საქართველოს სასამართლოს.

14.3 ინტელექტუალურ საკუთრებასთან დაკავშირებული უფლებებით გათვალისწინებული ვალდებულებების დაცვა და ამ უფლებების გამოყენების პროცესში წარმოშობილი დავების მოგვარება ეკისრება მიმწოდებელს.

14.4 ზიანის ანაზღაურებასთან დაკავშირებით, გამოიყენება საქართველოს სამოქალაქო კოდექსის შესაბამისი მუხლები.

14.5 ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

15. სხვა პირობები

15.1. ამ ხელშეკრულებით გაუთვალისწინებელი პირობები რეგულირდება საქართველოს კანონმდებლობით.

15.2. ხელშეკრულება შედგენილია ქართულ ენაზე და ხელმოწერილია ელექტრონულად. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

15.3. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც იგი წერილობითი ფორმითაა შედგენილი და ხელმოწერილი მხარეთა მიერ.

16. მხარეთა იურიდიული რეკვიზიტები

შემსყიდველი:

ქ. თბილისის მუნიციპალიტეტის მთაწმინდის

რაიონის გამგეობა

ს/კოდი: 204521954

მის: ძმ. ზუბალაშვილების ქ. №20

(ყოფილი ძმ. ზუბალაშვილების ქ. №48)

ბაზინის ერთიანი ანგარიში

სახელმწიფო ბაზინა

ბანკის კოდი TRESGE22

მიმწოდებელი:

შპს „ტენდერი 123“, ს/კ 405021523,

მისამართი: ქ.თბილისი ო.ჭილაძის ქ.,

№ 166, კორ. 6, ბ. 28

სს "საქართველოს ბანკი"

ა/ა N GE45BG 0000 0007 7359 4400

ბანკის კოდი BAGAGE22

ამირან ჩიტაშვილი

აღდგომის ბრწყინვალე დღესასწაულთან დაკავშირებით მისაწოდებელი
პროდუქტების ფასების ცხრილი

N ^o	დასახელება	მახასიათებლები	წარმოშობის ქვეყანა ან/და მწარმოებელი	განზომ ილება	რაოდ ენობა	ერთ. ღირ-ბა (ლარი)	საერთო ღირ-ბა (ლარი)
1	2	3	4	5	6	7	8
1	სააღდგომო პასკა	900 გრამისა, შაქრის პუდრით. მინიმალური შემადგენლობა: ფქვილი (უმადლესი ხარისხის) შაქარი, რძის ფხვნილი, პასკის სუნელების ნაკრები, მარილი, ქიმიში, კვერცხი, საფუარი, მარგარინი, ზეთი. (ვარგისიანობის ვადა-მიწოდებიდან არანაკლებ 15 დღე). ინდივიდუალურად შეფუთული ქაღალდის პარკში.	საქართველო/ შპს "საიუბილეო"	ცალ	1665	5.00	8 325.00
2	კვერცხი - კონტინერში (1 კონტინერში 10 ცალ)	კვერცხი- „M 1“ კატეგორია, თეთრი ფერის, ნაჭუჭი სუფთა, მექანიკური დაზიანების გარეშე. დაფასებული 10 ცალად სპეციალურ კონტინერში. კონტინერზე მითითებული იქნება შესაბამისი მარკირება მისი გამოშვების თარიღისა და ვარგისიანობის ვადის მითითებით. (ვარგისიანობის ვადა-მიწოდებიდან არანაკლებ 15 დღე). მიწოდებულ პარტიას ექნება ხარისხის დამადასტურებელი სერტიფიკატი.	საქართველო/ შპს "საგარეჯო 2009"	ცალ	1665	3.00	4 995.00
3	ღვინოწითელი ნახევრად მშრალი	დეფსოზი- ზღუდით 0.75 ლიტრიან ბოთლში, მიწოდებულია ექნება ხარისხის დამადასტურებელი სერტიფიკატი) პროდუქტის ვარგისიანობის ვადის მითითებით	საქართველო/ შპს "კარუნახი 2000"	ცალ	1665	7.00	11 655.00
4	ნატურალური წვენი	დაფასებული თითოეული მუყაოს 1 ლიტრიან კოლოფში (+/-10 გრამი), საქონლის გამოშვების თარიღისა და ვარგისიანობის ვადის მითითებით.	საქართველო/ სს "წყალი მარგებელი"	ცალ	1665	3.50	5 827.50
5	ზეთი	მცენარეული, რაფინირებული, დაფასებული 1 ლიტრიან პოლიეთილენის ბოთლში (900 გრ) თითოეულ ბოთლზე იქნება შესაბამისი მარკირება მისი ვარგისიანობის ვადის შესახებ	რუსეთი/ ООО "Базис Плюс"	ცალ	1665	4.00	6 660.00
6	შაქარი	ფხვნილი (მშრალი) დაფასებული 1000 გრ (+/-10 გრამი) პაკეტში ქარხნული წესით, მინიმუმებული იქნება საქონლის დამზადების და ვარგისიანობის ვადა.	პოლონეთი/ Krajowa Spolka Cukrowa S.A.(იმპორტიორი Lჯორჯია	ცალ	1665	2.50	4 162.50
7	შოკოლადის კანფეტი	შოკოლადი. დაფასებული (1000 გრამი +/-10 გრამი)—იან პაკეტებში. დაფასებული ქარხნული წესით. დამზადების და ვარგისიანობის მითითებით.	უკრაინა/ შპს "ზაპაროჟიის საკონდიტრო ფაბრიკა"	ცალ	1665	7.00	11 655.00

1	2	3	4	5	6	7	8
8	კარამელის კანფეტი	კარამელი (ასორტი) დაფასოებული (1000 გრამი +/-10 გრამი) იან. პაკეტებში (ქარხნული წესით). დამზადების და ვარგისიანობის მითითებით.	ყაზახეთის რესპუბლიკა/ სს "ბაიან სულუ"	ცალ	1665	6.00	9 990.00
9	ნამცხვარი რულეტი	ქარხნული წესით დაფასოებული 300 გრ პაკეტებში. დამზადების და ვარგისიანობის მითითებით	რუსეთი/ სს"რუსული ბისკვიტი"	ცალ	1665	2.00	3 330.00
10	საქონლის ხორცის კონსერვი "ტუმონკა"	ქარხნულად დაფასოებული ჰერმეტიკულად თუნუქის უჟანგავ ქილებში, ნეტო წონით 525 გრამისა. პროდუქტი არ შეიცავს ხორცის შემცველ ინგრედიენტებს, ღორის ხორცს, ადამიანის ორგანიზმისთვის საშიშ და აკრძალულ დანამატებს. შეფუთვაზე მინიშნებული იქნება საქონლის დამზადებისა და ვარგისიანობის ვადა	რუსეთი/ შპს "უნივერსალ ტრედიנג ბალტიკა"	ცალ	1665	6.00	9 990.00
11	ფქვილი	ხორბლის, უმაღლესი ხარისხის, დაფასოებული 1000 გრ (+/-10 გრამი); შეფუთვაზე მინიშნებული იქნება საქონლის დამზადებისა და ვარგისიანობის ვადა, ასევე შენახვის პირობები	საქართველო/ შპს "ურეხი"	ცალ	1665	2.50	4 162.50
		სულ ჯამი					80 752.50

შემსყიდველი:



დავით კირკიტაძე


მიმწოდებელი:

ამირან ჩიტაშვილი

9 მაისის დღესასწაულთან დაკავშირებით მისაწოდებელი
პროდუქტების ფასების ცხრილი

Nº	დასახელება	მახასიათებლები	წარმოშობის ქვეყანა ან/და მწარმოებელი	განზომ ილება	რაოდ ენობა	ერთ. ლირ-ბა (ლარი)	საერთო ლირ-ბა (ლარი)
1	კარამელის კანფეტი	კარამელის ასორტი დაფასოებული 1000 გრამიან პაკეტებში (+/- 10 გრ) იან. პაკეტებში (ქარხნული წესით). დამზადების და ვარგისიანობის მითითებით.	ყაზახეთის რესპუბლიკა/ სს "ზაიან სულუ"	ცალ	15	6.00	90.00
2	შოკოლადის კანფეტი	შოკოლადი. დაფასოებული (1000 გრამი +/-10 გრამი)-იან პაკეტებში. დაფასოებული ქარხნული წესით. დამზადების და ვარგისიანობის მითითებით.	უკრაინა/ შპს "ზაპაროჟიის საკონდიტრო ფაბრიკა"	ცალ	15	7.00	105.00
3	ბონბონერი	შოკოლადის ასორტი, 250 გრამისა, პროდუქტის ვარგისიანობის ვადის მითითებით.	უკრაინა/ შპს "ზარუოვის საკონდიტრო ფაბრიკა"	ცალ	15	12.00	180.00
4	ღვინო წითელი ნახევრად მშრალი	დაფასოებული მინის 0.75 ლიტრიან ბოთლში, მიწოდებულ პარტიას ეყენება ხარისხის დამადასტურებელი სერთიფიკატი) პროდუქტის ვარგისიანობის ვადის მითითებით.	საქართველო/ შპს "კარდენახი 2000"	ცალ	15	6.00	90.00
5	ღვინო თეთრი ნახევრადმშრალი	დაფასოებული მინის 0.75 ლიტრიან ბოთლში, მიწოდებულ პარტიას ეყენება ხარისხის დამადასტურებელი სერთიფიკატი) პროდუქტის ვარგისიანობის ვადის მითითებით	საქართველო/ შპს "კარდენახი 2000"	ცალ	15	6.00	90.00
6	ნატურალური წვენი (ორი სახეობის)	დაფასოებული თითოეული მუყაოს 1 ლიტრიან კოლოფში (+/- 10 გრამი), საქონლის გამომშვების თარიღისა და ვარგისიანობის ვადის მითითებით.	საქართველო/ სს "წყალი მარგებელი"	ცალ	30	2.50	75.00
7	ქარხნულად შეფუთული ტორტის მაგვარი ნამცხვარი	450 გრამისა, პროდუქტის ვარგისიანობის ვადის მითითებით	საქართველო/ შპს "საიუბილეო"	ცალ	15	5.00	75.00
8	ნამცხვარი რულეტი	ქარხნული წესით დაფასოებული 300 გრ პაკეტებში. დამზადების და ვარგისიანობის მითითებით.	რუსეთი/ სს "რუსული ბისკვიტი"	ცალ	15	3.00	45.00
		სულჯამი					750.00

შემსყიდველი:



დავით კირკიტაძე

მიმწოდებელი:

ამირან ჩიტაშვილი